


TE KURA KAUPAPA MĀORI O WAIRARAPA

TE PŪTĀTARA



MŌHENI #1 WIKI 5, WĀHANGA 3 2020

He tapu te tangata ahakoa ko wai.
Kōhungahunga mai, tamariki mai,
taipakeke mai, kaumatua mai, he tapu katoa.
Kia kaua te hunga o ngā Kura Kaupapa Māori e
tūkino, e whakaiti, e whakaparahako i te tangata,
e mahi pūhaehae rānei ki ētahi atu.
Kia ngākau māhaki rātou ki a rātou,
ki te iwi whānui, ki a Tauiwi hoki.

*Honour all people regardless of age, creed, colour, gender or
persuasion and will not therefore, belittle, resent,
hurt or show prejudice towards anyone else.*

TE AHO MATUA 1.5

Te Tino Uaratanga



"Ruia te taitea, kohia te rangiura"

NAU MAI HAERE MAI...

Ki tō tātou mōheni tuatahi. Hei te wiki 5 me te wiki 10 o ia wāhangā ka puta te mōheni, ka tukuna atu ki a koutou. Mō ngā pānui o ia wiki, o ia wiki kei te whārangī pukamatā ērā, nō reira kia mōhio ai koutou he aha te aha, tūhono atu anō hoki ki tō tātou whārangī pukamata, "Te Kura Kaupapa Māori o Wairarapa Whārangī Pukamatā".



pg.3 HE KŌRERO NĀ TE TUMUAKI

pg.4 HE PĀNUI

pg.5 TE WATAKA

pg.6-9 NGĀ AKOMANGA:

KURA NOHINOHI	6
KURA TEINA	7
KURA WAENGA	8
WHAREKURA	9

pg.10 KAPAHAKA

pg. 11-12 HĀKINAKINA

pg. 13 KĒMU / WHAKATAETAЕ
WHAKAAHUA



HE KŌRERO NĀ TE TUMUAKI

Kei aku rangatira tēnā koutou, tēnā tātou i o tātou tīni aitua kua hinga atu nei, kua hinga mai nei, e tangi ana te ngākau, e heke ana te roimata e ngā mate huhua haere, haere, haere atu rā. Kei te whānau Tawhiri, ka nui ngā mihi aroha ki a koutou i te rerenga atu o tō pāpā ki te marae o Hinenuitepō, kua moea te moenga roa tē whakaaratia. Haere atu rā pāpā, haere atu rā.

Kei ngā kanohi ora tēnā tātou katoa. Ka nui anō ngā mihi nui whakaharahara ki a tātou e whai kaha nei ki te tautoko i tō tātou nei kaupapa.

He nui te mahi kei tō tātou nei kura i tēnei wā. Tua atu i ngā kaupapa ako, ngā kaupapa hākinakina, ngā kaupapa kapa haka me te kaupapa ratonga he nui ngā mahi ki te whakapaipai ake i ngā whare o tō tātou nei kura. Kua whakahoungia te papa ki Kahurangi – ki te kore anō kia kite i te papa hou nau mai haere mai ki te pō kanikani a te Rāmere nei!

Waihoki, kei te whakahou mātou i ngā tuanui o ō tātou nei whare. Kua tata mutu te mahi ki te whakahou i ngā tuanui he iti noa te rōnaki kei te taha o ngā akomanga, kāore e roa ka whakahou hoki i ngā tuanui he nui ake te rōnaki. He nui anō te mahi a ngā kāmura ki te whakarite i ngā tīrewa ki te taha o te whare whakahaere me te wharekura hei āwhina atu i te mahi, ā, akuanei ka tākaitia anō aua whare ki te kiri hou. Taioha ake rā e te whānau kia piataata o tātou nei whare.

Nāku iti nei
Whaea Pip



A tātou nohinohi hou - mai i te taha mauī ki te taha matau, ko William, ko Khyzarn, ko Irihapeti rātou ko Te Haukihi



HE PĀNUI



MUFTI DAY

This Friday 21st is Mufti Day, please send a can of kai for the mufti day fee and we will donate all kai to the food bank.

Ngā mihi nui!



Te Pahi

Some tamariki are taking too long to get out to the pahi when it arrives at different whare in the mornings, this is impacting our Masterton Shuttles whānau business, please tautoko them by having your tamariki ready and waiting at the door. Also if there are any morning or afternoon changes to your tamaiti bus schedule it is imperative that you contact matua Chris or whaea Te Paea immediately to let them know. This will help time schedule as they won't have to come to your house if they know your child is not catching the bus.
Kia kaha whānau!

**MASTERTON
SHUTTLES**
027 961 3973
06 377 1923

Kurī Pai rāua ko Milo

Matua Ben has been bringing Milo the orphaned lamb to kura this week. He mea mīharo mō ngā tamariki. Kei te tiaki, kei te whāngai hoki rātou i te reme.

Ā ko Milo te tino hoa a
Kuri Pai ināianei.



Pō Kanikani

Te rōpū haerenga o wharekura (year 12-13) will be running the toa at the pō kanikani this week, all proceeds will go towards their end of year haerenga. On sale will be: sausage sizzle \$2, fizzy drink \$1, pēke rare \$1
Ngā mihi mo to tautoko e te whānau!

HE PAI ĀU PŪKENGA KANIKANI?

Nau mai ki tō tātou
pō kanikani!

HĒNETI KOURA KI TE WHAKAURU
KO NGĀ PUORO O DJ WUX
KAI-TÖTILLI \$2, RARE \$1, INU \$1

RĀMERE 21 O HERETURIKÖKA 2020
5.30PM KI TE 7.30PM KI KAHURANGI

TE WĀTAKA WĀHANGA 3, 2020

	Rāhina	Rātū	Rāapa	Rāpare	Rāmere	Rāhoroi	Rātapu
Wiki 5	17/8	18/8	19/8	20/8	21/8 Mufti Day (koha kai); & Pō kanikani 5.30-7.30pm Food Bank Collect Donations	22/8	23/8 Kahurangi BK
Wiki 6	24/8	25/8 Tech Solutions PD 3.30-4.30pm	26/8 Girls rugby Game Papaioea	27/8	28/8 Kaumatua Hui	29/8	30/8 Kahurangi BK
Wiki 7	31/8	1/9 Tech Solutions PD 3.30-4.30pm	2/9 Girls rugby FINALS Papaioea	3/9	4/9	5/9	6/9
Wiki 8	7/9 Whakataetae Ariki ki Taranaki WK Mihi whakatau	8/9 Whakataetae Ariki ki Taranaki WK Science Roadshow 12.30 - 1.50pm Tau 4-8	9/9	10/4	11/9	12/9 Kahurangi BK Elections ST	13/9 Kahurangi BK Elections ST
Wiki 9	14/9	15/9	16/9	17/9	18/9 Ngā Hau e Whā Festival Pōneke (WK - Ki Uta Ki Tai)	19/9	20/9
Wiki 10	21/9	22/9 Year 11 Industry Big Day Out	23/9	24/9	25/9 Hui Whakamana End Term 3	26/9 Kahurangi BK	27/9

He mea ano:

KURA NOHINOHI

Ngā mihi matakukui ki a koutou katoa ngā whānau o Kura Nohinohi.

I te tuatahi me mihi au ki ngā tamariki o kura nohinohi, nā rātou mātou e ārahi i tēnei wā. Kua hūnuku mātou ki te akomanga hou, ki Kōurarou, ā, ki reira mātou e ako ana ināianei.

Ko te kaupapa ako i tēnei wāhangā, ko Te Mata o te Whenua. E haere ana te kura nohinohi ki Pūkaha i tēnei Rāpare, ki te kite, kia rongo, kia rāwekeweke ki te whare tāpere o Whātonga. Harikoa ana ngā tamariki mō te haerenga nei.

He maha ngā akoranga kua puta mai i te wā Pakirēhua. Mā ngā tamariki anō e whakahaere i a rātou akoranga i tēnei wā. Nā reira kei ngā pikitia ngā hua kei te puta mai i ēnei akoranga.

I tēnei wāhangā i takohatia e Aratoi tēnei whare ki a mātou. Nā a tātou tamariki o mua i hanga, i peita. He tino tāonga te whare nei ki ngā nohinohi. He wāhi hunu, he wāhi tākarō, he wāhi whakatau mauri hoki mō te katoa.

He mihi tēnei ki a koutou ngā mātua i tae mai ki ngā uiui mātua. Kei te mōhio mātou ngā kaiako he maha ngā mahi kei mua i ā tātou mō a tātou tamariki.

Kia tau ngā manaakitanga ki a koutou katoa.

Whaea Ana, Whaea Hubba, Whaea Tahi



KURA TEINA

TĒNĀ KOUTOU TE WHĀNAU !

Ko te kaupapa o wāhanga 4, ko

TE MATA O TE WHENUA

(the face of the earth)

Tino rawe tēnei kaupapa ki a mātou.

Anei a mātou mahi i roto i ēnei wiki e whā...

WIKI 1

He aha te whakapapa o ngā atua? Rangi rāua ko Papa - ngā matua, ā, me ēnei o ngā atua, a Rongo, Tāne-mā-huta, Tangaroa, Haumietiketike, Tūmatauenga, Tāwhirimātea, Whiro, Ruamoko.

WIKI 2

Ko wai a Ruamoko? Ko Ruamoko te teina o ngā atua, ka noho tonu ia ki te kōpū o Papatūānuku. Ko Ruamoko te atua hoki o ngā rū whenua, ngā taiāniwhaniwha me ngā puia.

WIKI 3

He aha ngā hua o te whenua? I haere mātou ki te maara o te kura. Ka tītiro ki ngā hua i roto, ā, ka tunua he korare me te kīnaki tīhi. Rawe te kite i te kai mai i te māra ki te pereti, me te reka hoki.

WIKI 4


Kaitiakitanga - He aha te mahi o te kaitiaki? Ko wai ngā kaitiaki o te moana, te ngahere, ngā awa ā Papatūānuku hoki? He pai te hangarua (recycling), nā reira kia kaha tātou ki te whakarōpū i ngā rāpihi.

He mihi nui tēnei ki ngā mātua i haere mai ki te uiui mātua. Ko te nuinga o te wā, kāore he mahi-ā-kāinga mō ngā tauira o kura teina, engari ko ētahi mahi pai mō te ako ki te kāinga ko te pānui pukapuka me te studyladder hoki mō te pāngarau.

Noho haumaru ana tātou katoa i tēnei wā i runga i te hokinga mai o covid-19, taumata 2. Kia kaha tātou ki te ū ki ngā tohutohu o te Kawanatanga ki a kore ai tātou ie hoki ki te taumata ōhiti 4.

Arohanui

whaea Kiri māua ko whaea Marata



KURA WAENGA

Te Mata o Te Whenua

He aha te mea nei 'Te Mata o Te Whenua'? I runga i tēnei kaupapa ako, ka anga tā mātou tītiro ki ngā pānga kino o te taiao (natural disasters) ki te whenua, ki te tangata hoki - pēnei i te rautupu (thunderstorm), te waipuke (floods), te rū whenua (earthquakes), aha rā noa atu. Ka mahi ā-rōpū ngā tamariki ki te rangahau i ngā kōrero e pā ana ki ēnei aituā. Kei te ako rātou i ngā āhuatanga o te taiao e kore nei e taea te karo. Maha ngā kupu hou kua akohia i a rātou e whakamāori ana i ngā kōrero i rangahaua. Mīharo!



Te Mate Korona

Huri noa i te motu e pōkai kaha ana a Aotearoa, te ao anō hoki ki tēnei Mate Korona, ara, KOWHEORI-19. He noho kāinga, he oranga tangata tae atu hoki ki te whawhai i tēnei te Mate Korona kia ora ai te tangata.

I ēnei wiki e rua kua rangahautia e ngā ākonga mō te Mate Korona. I tiro atu rātou ki ngā whakaritenga Urutā ki Ahitereiria, Amerika, Itāria, Ingangari me Aotearoa anō hoki. He maha ngā whakatūruma ki ēnei whenua engari kua ora te nuinga o ngā tangata ki tēnei mauiuitanga. He kaupapa pai tēnei mō ngā ākonga kia ako ki ngā tūmate me ngā Pae Mataara mō tā rātou whānau me te hāpori.

Nōreira e te whānau kia atawhai tētahi ki tētahi. Ahakoa tawhiti ā-tinana tātou i a tātou, e honoa ana tātou e tū kotahi ana tō tātou iwi i te whawhai ki te Mate Korona.

He matenga poto, he oranga roa.
Mauriora!



WHAREKURA

Ko ngā āhuatanga ako katoa he mea mahi i roto i te koanga ngākau me te whakaihiihi hinengaro.

Ko Te Whare o Tūmatauenga e karanga nei, e karanga nei. Kua whakakotahi atu mātou Te Wharekura ki roto o Waiouru ki te whakanui i te kaupapa 'services' kua rukuhia e Matua Davidson. I ngaro atu ia ki te wāhi hōia mō ngā wiki e rua kia rongo, kia whakaharatau, kia whakangungu ki ngā āhuatanga o te whare a Tūmātauenga. He nui ngā piki me ngā heke i pā ki a ia, kāore i āhei te whakapā atu ki tōna whānau. Ko ia me tana ope taua e whakapou kaha ana. I tā mātou taenga atu kua mīharo katoa te kite i a ia e tū pakari ana, e tū maia ana. Whaia te pae tawhiti kia tata, whakamaua te pae tata kia tīna!

Te Mata o Te Whenua

He kaupapa mīharo tēnei kua utaina e wharekura hei tautoko i te hapori me te Kaunihera o Whakaoriori ki te whakarāwai i ngā awa me ngā tarawāhi ki te taha rawhiti o Whakaoriori. I mahi ngātahi mātou ki ngā ākonga o Makoura. E kaha nei a wharekura ki te horaina i ngā maramara wāhia me te keri i ngā rua kia whakahaumaru i ngā tipu rakau. Heke ana te werawera ki ēnei ākonga, ā, pāiā!

Nō reira me tupu nga tamariki hei kaitiaki i nga painga huhua o te whenua, o te moana, o nga ngahere. Kia mau hoki ki nga ture tuku iho a nga matua tupuna, e pa ana ki te moana, ki te whenua, ki nga ngahere.



KAPAHAKA

Ka tūhura, ka whakamahi, ka whai
māramatanga, ka whakanui i ngā huānga o te
whakaari mā te tinana, mā te oro, mā te kupu.

Ko te kapahaka tētahi o ngā mahi toi e
whakaakona ana i te kura. Mā te kapahaka ka
tupu te mīharo i roto i ngā tamariki, te ihi, te
wana, te wehi. Ka whai wheako rātou ki te taha
titiro waiata, mahi ā-ringa, te whakangahau hoki.
Ka whakanake hoki ngā tamariki i o rātou reo
mā te ako i nga kupu o ngā waiata.

Hei te 6 o Whiringa-ā-rangi, ka tū anō ngā
whakataetae ā-rohe ki Te Awakairangi. Kei te tū
tō tātou rōpū -Ngā Puāwai o te Kura. Nō reira
kua tīmata ngā tamariki ki te ako i ngā waiata,
titiro waiata hoki.

Kapahaka had started back up and we need
tamariki to be on board to represent our kura
for the upcoming Awakairangi regional
competitions to be held in November. The
children need your support to encourage them
to participate. Looking forward to another
challenge. The Nationals will be held in Nelson
next year if the Country is clear of Covid-19.

TAM 6.3 Kia tupu ngā āhuatanga tuku iho o tōna
pūmanawa ki ngā tihi teitei o te taumata.





WAKA AMA

Kua tīmata ā tātou tauira ki te ako ki te hoe waka ama ki raro i te manaakitanga a Matua Paddy rāua ko Cath Rimene. Ko te whainga kia tū tātou ki ngā whakataetae ā- motu ā te tau 2021. He nui ngā pāinga o te mahi waka ama ko tētahi he mahi whakapakari tinana, he nui ngā akoranga rautaki e tere ai tō rere, he oranga wairua nā te puta ki te taiao. Mō te taha ki te kura e whai tauwhī hoki ana ngā tauira. Ko te mea nui ki ahau, he kaupapa Māori, he mahi i tuku iho i a tātou tīpuna.



POITARAWHITI

Parahutihuti ana te haere o ngā taiwhahine ki ngā kōti poitarawhiti. E tika ana te kōrero 'Ahakoa he iti, he iti māpihi pounamu.' Ko tā tātou wharekura tērā e whakawero ana i ngā kura nui o te takiwā nei ahakoa te tokoiti o ngā kaitākaro. Kia whakauru tīma tātou me tākaro te nuinga o ngā kōtiro o te wharekura mai i te reanga 8 ki te reanga 13. Koinei hoki te tau tuatahi kua uru ngā kōtiro ki te taumta whakataetae tuarua. Ka wani kē!

HĀKINAKINA WHAREKURA

Nā Hone Vella



WHUTUPŌRO

Ka rere ki uta, ka rere ki tai, rere ki uta, rere ki tai, tepe maui, tepe matou, oma tōtika, ko wai rā tērā, ko Jonah Lomu? E kāo, ko ngā kōtiro o Te Wharekura o Wairarapa. Kua roa mātou e akiaki nei i ngā kōtiro o te wharekura kia peke atu ki te whīra whutupōro kia whakamātauhaia ā rātou pūkenga, nā wai rā, nā wai rā i te tau 2020 kua hikina te manuka kia whakamau pūtu kia pātukituki te haere. E poho kererū ana mātou te hapori te kite i ngā taiwhahine nei e haukerekere ana i ngā hoariri. I raro i te manaakitanga a Sinead Barrel nō Wairarapa Bush kua whakakotahi ngā kōtiro nō tēnā, nō tēnā kura ki te kura o Makoura kia whakatū tīma whutupōro kōtiro kura tuarua. Nō mua i te kēmu tuatahi kua noho āwangawanga a Whaea Kiri mō āna tamahine heoi ka mutu te kēmu kua tau tana wairua, ā, ko ia, ko ia mō te tautoko mō te akiaki i ngā kōtiro katoa. Nō hea rā te whakaaro kīhai anō ngā kōtiro nei kia tākaro whutupōro, engari mō tēnā, ko rātou, ko rātou mō te omaoma, mō te rūtu, mō te whakaatu pūkenga. Whaia te iti kahurangi, ki te tuohu me he maunga teitei.



HAKINAKINA



Kēmu

k	a	e	h	t	p	t	u	i	n	o	r
a	r	t	r	r	a	n	g	i	m	r	ū
h	w	ā	g	h	p	r	p	o	n	w	w
u	r	r	n	o	a	u	h	a	t	e	h
n	r	o	n	g	o	m	ā	t	ā	n	e
g	n	h	t	t	i	t	w	u	a	p	n
u	e	p	a	n	r	t	o	a	o	n	u
n	a	u	e	h	r	i	a	r	a	i	a
u	e	i	r	e	m	m	e	n	t	a	n
i	t	a	n	g	a	r	o	a	e	t	t
w	r	m	e	r	t	i	e	e	h	e	i
i	t	ā	n	e	m	ā	h	u	t	a	n

kahungunu
iwi
rangitāne
ruaumoko
tānemāhuta
rongomātāne
atua
rangi
papa
tangaroa
rū whenua
puia

Whakataetae Whakaahua


Photography Competition


TAUIRA MĀ!

Kei te kimi mātou i tētahi whakaahua mīharo mo te whārangī uhi o te mōheni tuarua, nā reira tukuna mai to whakaahua ki a whaea Kiri i te mutunga o te wiki 8.

kriwaicouch@kkmow.school.nz

ko te kaupapa o te whakataetae ko "Toku Kura!"

Ānei ētahi tauira.... Kia kaha mai! 



Hanga Kupu

a	i	u
k	t	r
p	wh	n

E hia ngā kupu ka āhei koe ki te hanga i ēnei pū anake?



NGĀ RŌPŪ HONOHONO TAE
ATU KI TE 20 KIA ĀTA
TIROHIA KI ĒNEI TAUIRA,
HEI ĀWHINA I A KOE.

$$13 + 7 = 20$$